



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmae Virtvtvm, Ac Vitiorvm , Tomus ...

Guilelmus <Peraldus>

Lvgdvni, 1585

De commendatione Virtutis, facta comparatione ad bona futura. Capvt XI.

[urn:nbn:de:hbz:466:1-46132](https://nbn-resolving.org/urn:nbn:de:hbz:466:1-46132)

mus regere & coercere. ¶ Octauo, quod boni voluntatem suam conformant voluntati diuina. Vnde sicut voluntas Dei impletur, ita voluntas eorum. Aug. Iugum Christi suaue est, & onus eius leue: quia qui huic iugo subiectus est, cetera ei subiecta sunt, & nihil ei repugnat. Non habent mali pacem, qui Deo resistunt. Ioel 9. Quis restitit ei, & pacem habuit? Senec. Vir bonus quicquid ei acciderit, a quo animo sustinebit: scit enim hoc accidisse ex lege diuina ex qua vniuersa procedunt. Via virtutis in principio habet aliquid difficultatis: quia incoersa est. Hier. In suauem & asperam fecit nobis viam virtutis longa consuetudo peccandi. Dulce est lumen, & delectabile oculis videre solē. Eccl. 11. & tamen lux solis contristat oculos tenebris assuetos, sic via virtutis in principio est molesta, sed post iucunda efficitur gratia & assuetudine. Ber. Facillimum esset & delectabile adiuncto Dei amoris condimento secundum naturam viuere, si infania nostra nos permitteret, qua sanata statim naturalibus natura arridet. Tullius: Optima forma viuendi eligenda est, quam iucundam reddet assuetudo. Gl. super illud Matt. 11. Iugum meum suaue est. Angusta est via que ducit ad vitam: quia non nisi angusto initio incipitur: processu vero temporis ineffabili delectationis dulcedine dilatatur. Prouer. 4. Ducam te per semitas aequitatis, quas cum ingressus fueris, non ardebunt gressus tui. Senec. Initium eundi ad virtutes arduum est: quia hic primum imbecille metis, & agre est in experta formidare: itaque cogenda est ut incipiat, deinde non est acerba medicina, protinus enim delectat dum sanat. Aliorum remediorum post sanitatem voluptas est philosophia, pariter & salutaris & dulcis est.

De commendatione Virtutis, facta comparatione ad bona futura.

CAPVT XI.

Comparatione ad futura bona comedabilis est virtus multipliciter. ¶ Primo, quia signum est quo distinguuntur recipiendi ad gloriam eternam a non recipiendis. Ephes. 4. Nolite contristare Spiritum sanctum in quo signati estis, &c. Apoc. 3. Ecce dedi ostium apertum coram te, quod nemo potest claudere, quia modicam habes virtutem, id est, humilem virtutem. De defectu huius signi conqueruntur damnati in inferno. Sap. 5. Virtutis, inquit, nullum quidem signum valuimus ostendere. ¶ Item virtus pignus & arra est hereditatis eternae. Ephe. 1. Signati estis spiritu promissionis sancto, qui est pignus hereditatis nostrae. Quidam tamen codices melius habent, arra. gloss. Interest inter arram & pignus: quia pignus quando datur, soluto eo pro quo ponitur, aufertur. Arra vero est, cum de ipso pretio datur aliquid quod non est auferendum

dum, sed cōplendū. Virtus vel gratia est arra beatitudinis: quia quādā inchoatio eius est. 2. Cor. 1. Signauit nos & dedit pignus spiritus in cordibus nostris. ¶ Itē vnctio est ad regnum: non ad regnum Francie, sed ad regnum gloria. Serua vnctionem, securus es de regno. 1. Ioan. 2. Et vos vnctionem quam accepistis ab eo, maneat in vobis, hanc vnctionem facit Deus ipse. 2. Corin. 1. Qui vnxit nos, Deus est. Nec solum vnctio est ad regnū futurum: imò per ipsam viri sancti viā ducunt regiam in præsenti. Luc. 18. Regnum Dei intra vos est. Rom. 13. Regnum Dei nō est esca, & potus, sed iustitia, & pax, & gaudiū in Spiritu sancto. Nō solum regnū Dei dicitur esse in cordibus sanctorum: quia Deus in eis regnat, cuius imperio in omnibus obediunt: sed etiā quia ipsi quodammodo regnant ad Dei similitudinem. Omnia enim & prospera & aduersa seruiunt eis, & cooperantur in bonū. Seneca: Si vis omnia tibi subiicere, subiice te rationi. Idē: Vis habere honorem magnū, imperium dabo tibi, impera tibi. Bern. Nō putent diuites huius seculi fratres Christi possidere sola cęlestia, quia audiunt Christū dicentem: Beati pauperes, &c. possident & terrena. Fideli homini totus mundus diuitiarū est. Plane totus, quia tā prospera quā aduersa opus ipsius æquē omnia seruiunt ei & cooperantur in bonū. Sapien. 17. Omnia transfigurata omnium nutritici gratię tuę deseruiebant. ¶ Item virtus vel gratia pretiū est regni cęlestis. Rom. 6. Gratia Dei vita aterna. Macrobius: Quanquam sapientibus conscientia ipsa factorum egregiorum amplissimū virtutis est premiū: tamen illa diuina virtus stabiliora quādam præmiorum genera desiderat. Virtus est pretium quodammodo ipsius Dei. August. in lib. de ciuitate Dei: Præmium virtutis erit ipse qui virtutem dedit.

De commendatione Virtutis, autoritate Saluatoris. CAP. XII.

Quinto commendabilis est virtus autoritate Saluatoris, qui virtutem monet querere, cum bona terrena consulat relinquere. Matth. 6. Primum querite regnum Dei, & iustitiam eius, &c. Matt. 19. Si vis perfectus esse, vende omnia que habes, & da pauperibus, &c. Augu. Cum ea quę Deus laudat & promittit ab illo petitis, securē petite. Illa enim Deo propitio cōceduntur. Quando autem petitis temporalia, cū modo petite, & cum timore illi committite, vt si prosint, det: si scit obesse, non det. Quid enim oblit vel profit, medicus nouit, nō ægrotus. Amatores virtutis Christus beatos prædicat, cum contemptores temporalium beatos dicat. Matt. 5. Beati pauperes spiritu, &c. Et in eodem, Beati qui esuriunt & sitiunt iustitiam, quoniam